

恩典及言天氣熱無過五六月而六月尤盛乞移

恩命於盛暑時月以恤苦熱之囚一節錄

恩命時出自

朝廷難以着為定例定擬時月其言有等囚犯如趙

山李資犯該已徒而又犯徒律該決訖

所犯敢數總徒四年者有

大誥及過蒙

恩例通減二等若止減應決杖數仍總徒四年則與常例

發落無異要乞或照五徒例減其杖一

十徒半年或照三流例減其徒一年使

此等徒犯亦得均被其澤等因所言

亦為有理合無今後囚犯有犯該已

徒而又犯徒該決訖所犯敢數總徒

四年有

大誥及過蒙

恩例通減二等俱與比照三流同為一減律例減徒一年

庶使法司有所遵守奉行徒囚得一均被

恩澤

成化十二年三月十九日刑部等衙門尚書等

官董等

題為建言事

計開

一件廣收贖查得先該刑部四川清吏司

發審犯人李旺兇患左腿短腐已成廢

疾招稱旺因行走不便騎坐驢子商同

姪李雄兇跟隨各不合前到地名冉家

在偷盜粟色官馬一匹事發該司問擬
常人盜官畜產絞罪做工滿日隨住已
經審允回報發落外節該伏親

大明律內一款凡年七十以上十五以下及廢疾犯該徒
流以下收贖欽此欽遵本司審錄老小
廢疾囚者皆扶徒罪雖係偷盜及傷人
者俱擬收贖至於死罪緣係

制律之後

欽依定准以此律又既不該載又不載擅令收贖只得擬以
做工或運灰運炭等項發落切惟前
項囚犯不堪工役雖至配所亦無實用
或是辨納工錢或行雇人代替五年之
久所費實多又查見行事例較斬罪者

運炭九十斤灰六万四千二百觔計其
所費盤運價錢大約用銀三二十兩此
等之人既不能力耕農桑以為業又不
能懋遷有無一營生所費之資何由而
得是以或費田產者有之或鬻妻子
者有之甚至無可鬻賣監追病死者
有之顛連無告平居尚可憐憫語犯刑憲
若與少壯全一體科斷夫何忍哉如蒙
乞

勅法司會議今後內外問刑衙門凡問難犯死罪囚人有
年七十以上十五以下及廢疾者俱照
徒杖罪第一體收贖庶幾

恩法並施仁義兼至

前件臣等伏覲

大明律內一款凡年七十以上十五以下及廢疾犯徒流以下收贖欵此及查洪武三十年五月內

節奉

勅諭六部都察院等將大誥內條目纂其要畧開載於律其近年以切撈文禁例盡行革去今後法司只照律內與大誥議罪雜犯死罪并徒流遷徙管杖等刑悉照今定贖罪條例科斷編寫成書刊布內外使臣民知所遵守欵此欵遵前項

大明律誥頒布中外永為定例遵行之矣今左評事高銓奏要將雜犯死罪囚人年七十以上十五以下及廢疾者俱照徒杖罪

名一體收贖一節臣等恭看得洪武

三十年五月以前有犯死罪者未有

真犯雜犯之分於律俱該處決後

有前項

欵定條例方有真犯雜犯之別若犯雜犯死罪者免其

處決令其做工等項贖罪此實

太祖高皇帝欽恤民命特從輕發落如依本官所言仍將

雜犯死罪囚人年七十以上十五以下及廢疾者亦照前項流罪以下老幼廢疾囚犯一體贖鈔不無法令愈輕人將易犯未免更改

舊制人難遵守所言難准